

<><><><><><>

Parliament-Adjournment

लोकसभा दी कारवाई 12 बजे तगर ते राज्यसभा दी कारवाई बक्ख-बक्ख मामलें गी लेइयै संसद च होआ'रदे शोर शराबे करी स्थगित करी दित्ती गई। जियां गै अज्ज लोकसभा दी कारवाई बडलै शुरू होई तां कांग्रेस, समाजवादी पार्टी, डीएमके ते होरने दुई पार्टिएं इक कारोबारी समूह आस्सेआ रिशवत दित्ते जाने आले मामले पर शोर शराबा कीता। विरोध प्रदर्शन करा'रदे मिनर सदन दे बिच्च बश्कार आइ गे। लोकसभा स्पीकर ओम बिरला होरें सदन दी गिरमा गी बनाई रखने दी मिनरें गी बार बार अपील कीती पर ओह लोक नारे लांदे रेह। उनें आखेआ जे एह लोक सदन दी कारवाई च बिघ्न पाना चांहदे न। उनें आखेआ जे विपक्ष ऐसे मुद्दे गी पुट्टा'रदी ऐ जेहदा सरबंध मुख्य दी जनता कन्नै नेई ऐ। शोर शराबा गी दिक्खदे होई स्पीकर होरें लोकसभा दी कारवाई गी 12 बजे तगर स्थगित करी दित्ता। राज्यसभा च बी कारोबारी समूह आले मामले दा शोर शराबा रेआ। एहदे इलावा मणिपुर ते संभल हिंसा दा मामला छाप दा रेआ। शारे शराबे दे चलदे कारवाई गी सोमवार तगर स्थगित करी दित्ता गेआ।

<><><><><><>

PM Odisha

प्रधानमंत्री नरेन्द्र मोदी अज्ज थमां त्रऊं दिनें दे ओडिसा दौरे पर रौहगंन, जेहदी शुरूआत केई कार्यक्रम च शामिल होने कन्नै होग ते इंदे च भुवनेश्वर च पुलस महानिदेशकें ते पुलस महानिरेक्षकें दे अखिल भारतीय सम्मेलन शामिल ऐ। त्रै रोजा चलने आला एह सम्मेलन अज्ज थमां लोक सेवा भवन च शुरू होआ'रदा ऐ। सम्मेलन च गृहमंत्री अमित शाह ते राष्ट्रीय सुरक्षा सलाहकार अजीत डोभाल सनें होर केई मन्ने परमन्ने दे लोक बी शामिल होंगन। सबै राज्यें दे पुलस महानिदेशक ते केन्द्रीय रिजर्व पुलस बल, अनुसंधान ते विशलेषण स्कंध(रॉ), राष्ट्रीय सुरक्षा गार्ड, सतर्कता ब्यूरो ते एसपीजी दे प्रमुख सम्मेलन च हिस्सा लेंगन। सम्मेलन च राष्ट्रीय सुरक्षा चुनौतिएं ते पुलस बलें दी उभरती जिम्मेदारिएं पर चर्चा होग। सम्मेलन च आंतरिक सुरक्षा, साईबर अपराध, माओवादी खतरे, आर्टिफिशल इंटेलीजेंस ते ड्रोन जनेही उभरदी तकनीकें दे कारण पेश आवा'रदी चुनौतिएं पर बी सोच-बचार होग। इस दरान आतंकवाद कन्नै निबड़ने पर बी चर्चा कीती जाग।

<><><><><><>

PM Youth

प्रधानमंत्री नरेन्द्र मोदी होरें युवाएं दे भविष्य गी सुरक्षित बनाने लेई उनें गी सबै मौके मुहैया करोआने दे घेइयै गी दोहराया ऐ। My Gov India Handle दी इक पोस्ट पर प्रक्रिया दिंदे होई श्री मोदी होरें पक्की मेद बन्नी जे भारतीय युवा शक्ति नामुमकिन मुमकिन बनाई सकदी ऐ।

<><><><><><>

Amit Shah Terrorism

केन्द्री गृहमंत्री अमित शाह होरें आखेआ ऐ जे पिछले 10एं ब'रें च आतंकवाद, खब्बे धड़े आले अत्तवाद, विद्रोह ते नशाखोरी खलाफ महत्वै आली कामयाबी हासल कीती ऐ। लाल बहादुर शास्त्री नैशनल उे मंसूरी च प्रशासन अकैडमी च श्री शाह होरें विदाई समारोह गी संबोधत करदे होई आखेआ जे केन्द्र च मजुद प्रधानमंत्री नरेन्द्र मोदी हुंदी अगुवाई आली सरकारै दी ठोस नीतिएं करी गै एह खरे नतीजे हासल होए न। मंत्री होरें इस गल्लै पर जोर दित्ता ते खब्बे बक्खी आले अत्तवाद गी पूरी चाल्ली 31 मार्च 2025 तगर पूरी चाल्ली खत्म करी दित्ता जाग।

<><><><><><>

LG-Textile

उपराज्यपाल मनोज सिन्हा होरें वीरवारें आखेआ ऐ जे जम्मू कश्मीर कपड़ें सरबंधी मेला भारत ते विदेश थमां खरीददारें लेई किट्ठे होने दा थाहर ऐ जेहड़ा कपड़ा उद्योग दी तरक्की ते विकास च बाद्धा करा'रदा ऐ ते केन्द्र शासत प्रदेश दे उद्योगिएं ते मकामी कारोबारिएं गी फायदा पुज्जा'रदा ऐ। आकाशवाणी जम्मू दे संवाददाता दी जानकारी मताबक जम्मू कश्मीर कपड़ें सरबंधी मेले 2024 च मुख्य भाषण दिंदे होई कारीगिरें ते मकामी उद्यमिएं लेई बजारें तगर पुज्ज ते निर्यात दे मौके च बाद्धा करने बारे कीती। उनें आखेआ जे पिछले 50एं म्हीने च इस खेत्तर रु मती तरक्की दी दर हासल होई ऐ ते प्रशासन नमी पैहलकदमिएं कन्नै मता अग्गे बधने लेई वचनबद्ध ऐ। सरकार नै कारोबारिएं गी जरूरी बुनियादी ढांचे दे विकास, माली मदाद ते हुनर सिखलाई दे विकास पर जोर भरेआ ऐ। इस मेले दा आयोजन उद्योग ते बपार मैहकमे बपार गी बढ़ावा देने सरबंधी जम्मू कश्मीर ट्रेड प्रमोशन संगठन ते हत्थखड्डी निर्यात गी बढ़ावा देने सरबंधी काउंसिल आस्सेआ कीता गेदा हा। इस मेले च राष्ट्रीय ते अंतर्राष्ट्रीय खरीददारें, निर्यातकें ते आयातकें हिस्सा लैता।

<><><><><><>

Doda Kishtwar Terrorism

डोडा पुलस नै भद्रवाह इलाके थमां आतंकवादिएं दे सहायक गी गिरफ्तार कीता ऐ। आकाशवाणी जम्मू संवाददाता दी रिपोर्ट मूजब एसएसपी डोडा होरें जानकारी दित्ती ऐ जे एह बन्ने पार बैठे दे आतंकवादी हैंडलरें दे लगातार संपर्क च हा। एहदा उंदे कन्नै सोशल मीडिया मंच राएं बी संपर्क हा। डोडा च राष्ट्र विरोधी तत्वे गी परतियै सरगर्म करने लेई ते आतंकवादी गतिविधिएं गी बढ़ावा देने लेई लगातार सक्रिय च हा। अरोपी दी पंछान फिरदोस अहमद वानी दे तौर पर होई ऐ। ओह मरमत दे रौहने आले न ते इसलै भद्रवाह डांडी च रवा'रदे न।

<><><><><><>

Kishtwar

आतंकवाद नेटवर्क पर कीती गेदी कारवाई च किश्तवाड च जम्मू कश्मीर पुलसै नै पाकिस्तान दे कब्जे आले कश्मीर ते पाकिस्तान थमां कम्म करा'रदे 7एं आतंकवादिएं दी संपत्ति गी अटैच करी दित्ता ऐ। एह कारवाई यूएपीए दी बक्ख-बक्ख धाराएं तैहत इक स्पैशल एनआईए कोर्ट थमां हुक्म हासल करने मगरा कीती गई ऐ। उआं जम्मू जोन दे एडीजीपी आनंद जैन होरें जानकारी दित्ती ऐ जे पुलस नै फरार आतंकवादिएं दी 29 होर संपत्तिएं दी पंछान कीती ऐ, उनें संवत्तिएं गी अटैच करने दी प्रक्रिया पर बी कम्म कीता जा'रदा ऐ। उनें आखेआ ऐ जे

राष्ट्र बरोधी तत्वेँ गी पनाह् देने आलेँ गी चेतावनी देने दे मकसद कन्नै इक बड्डी रणनहति पर कम्म कीता जा'रदा ऐ। उनेँ लोकें गी सतर्क राँहने ते कनून नाफिज करवाने आले अजेसिएँ कन्नै सैहयोग करने लेई आखेआ ऐ।

<><><><><><>

J&K Panchayats

पंचैती राज मंत्रालय नै जम्मू-कश्मीर च 500 नमें पंचैत घर यानी ग्राम परिषद दफतरें गी मंजूरी दित्ती ऐ। प्रदेश दे ग्रामीण विकास ते पंचैती राज विभाग दे सचिव मोहम्मद ऐजाज अस्सद होरें कल एह्दा ऐलान कीता। उनेँ गलाया जे प्रदेश दे किश ब्लॉक ते पंचैतां खरा प्रदर्शन करै करदे न, जदके होरनेँ च सुधार दी लोड़ ऐ। उनेँ आखेआ जे जरूरतमंद खेत्तरें दी पन्छान करी लैती गेदी ऐ ते उत्थें मुद्देँ गी हल करने लेई समें सीमा तय कीती गेई ऐ। अस्सद होरें इब्बी दस्सेआ जे खस्ताहाल पंचैत घरें गी कम्मकाज जोग बनाया जा करदा ऐ।

<><><><><><>